



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1553. usque ad annum 1557

**Fleury, Claude**

**August. Vind. [u.a.], 1771**

**VD18 9011857X**

§. 1. Cardinalis Polus Bruxellis rebus suis intentus.

---


[urn:nbn:de:hbz:466:1-66565](https://nbn-resolving.org/urn:nbn:de:hbz:466:1-66565)



*Anglia Sedi Apost: reconciliata regnante Maria.*

*Klauber. n. 49.*

# HISTORIÆ ECCLESIASTICÆ LIBER CL.



JULIUS III. PONT. MAXIMUS,  
CAROLUS V. OCC. IMP.

§. I.

*Cardinalis Polus Bruxellis rebus suis  
intentus.*

Quamvis summus Pontifex missis  
etiam in Æthiopiam Viris Apo-  
stolicis, ut mox meminimus,  
ingenti propagandæ Religionis studio  
*Hist. Eccles. Tom. XLII.* A flagra-

Sæcul. XVI.  
A. C. 1554.

*Ciacon. vit.  
Pont. p. 3.  
p. 631.*

**Sæcul. XVI** flagraret, minime tamen propterea Angliæ rebus, quæ hoc anno Christi millesimo quingentesimo quinquagesimo quarto magis prosperæ videbantur, prospicere negligebat: Polus enim Cardinalis, qui usque ad conciliatas Mariæ Reginæ cum Philippo Hispaniæ Principe nuptias Bruxellis subliterat, nequaquam ibidem otiosus hærebat: cum autem eidem hoc connubium minus arrideret, hinc solita suæ eloquentiæ vi Carolo V. exponebat, quod rebus suis longe melius consuleret, si hujus matrimonii consilium abjiceret, eo quod inde Angliæ Regnum innumeris pene periculis exponeretur, atque ejusmodi nuptiæ nec Catholicis, nec Protestantibus probarentur. Verum Cæsar surdas monenti præbebat aures; nil enim ardentius, quam hoc conjugium perfici in votis habebat, eapropter duntaxat pro pace ipsum inter, & Franciæ Regem concilianda eundi licentiam Polo concessit. Enimvero Carolus V. libenti animo inducias acceptasset, cum illæ rebus suis in Belgio restaurandis percommodæ fuissent: attamen ob eandem causam Henricus II. Galliarum Rex ejusmodi inducias minus acceptas habebat; haud enim ignorabat, quod Cæsar tam corporis, quam mentis imbecillitate laboraret, atque ob podagræ dolo-

**A. C. 1554.**

*Pallav. hist.  
Conc. Trid.  
l. 13. c. 8.  
num. 7.*

dolores unius brachii, & propter nervorum contractionem pedis, fuorumque membrorum usu destitutus esset, timendumque foret, ne accedente animi ægitudine ob sinistrum rerum suarum successum forte insanix, qua olim Joanna ejus Mater subinde corripiebatur, hæres fieret; quippe tam adversa valetudo, quam animi tædium tantopere mentem ejus perturbabat, ut ferme infomnis diu, noctuque haud alio occuparetur labore, quam quod horologiorum, quorum in suo cubili quamplurima habebat, pondera jam sublevaret, jam vero laxaret: hinc non pauci Legationem Poli haud adeo prospere successuram verebantur. (\*)

A 2

§. II.

(\*) Hujus injuriosæ relationis testes Continuator Ciaconium, & Pallavicinum allegare non erubuit: cum tamen neuter de ejusmodi statu Cæsaris vel verbulo mentionem faciat. Ergone Historico licet ad implendas paginas, atque ad explendam in eos, quorum gloriæ ex patriæ suæ genio invidet, convitiandi libidinem suam supremorum etiam Principum honorem adeo propudiose proscindere? qua ratione ipse in suæ Historiæ progressu prudentissima Cæsaris consilia, & victorias enarrare potuit, si ipsum adeo delirasse verum fuisset? & denique, quam insulse Continuator hanc

com-